

## 09.03 MARELLA

### Guerra, fom e murdraretschs

*Il mintgadi en Engiadina enturn il 1800*



Ella era ina Schlarignotta da buna chasa, el in ferrer e viturin da Segl. Anna Curô-Frizzoni (1758-1837) e Paul Robbi (1759-1847) han scrit lur memorias en furma da diari. Els rapportan minuziu-samain dals onns turbulents 1797-1803 cun lur charplinas, guerras e fominas. Dal temp cur ch'ins ha stuì sepulir la veglia Republica da las Trais Lias, ina da las grondas cesuras en l'istorgia grischuna e l'ultima giada ch'ina guerra ha tutgà cun tutta vehemenza il Grischun. Sper ils fatgs politics rapportan Curô e Robbi era da stads setgas, envierns lungs u maz-zaments spectaculars.

*Redacziun: Guadench Dazzi*